



SETIAUSAHA KERAJAAN,
NEGERI SELANGOR DARUL EHSAN,
TINGKAT 19,
BANGUNAN SULTAN SALAHUDDIN ABDUL AZIZ SHAH,
40503 SHAH ALAM,
SELANGOR DARUL EHSAN.

Tel : 03-5514 2134 (Terus)
: 03-5544 7043
: 03-5544 7045
Fax : 03-5510 3062

selangorku

‘KEJUJURAN DAN KETEKUNAN’

Ruj. Tuan :
IPK.Sel. Pent. 100-10/4/2 (11)
Ruj. Kami : 23 Zulkaedah 1433H
Tarikh : 9 Oktober 2012

Semua Ketua Jabatan/Agensi Negeri Selangor Darul Ehsan

Semua Pegawai Daerah Negeri Selangor Darul Ehsan

Semua Datuk Bandar, Bandar Raya/Yang Dipertua Majlis Perbandaran/Daerah Negeri Selangor Darul Ehsan

Semua Setiausaha Bahagian/Timbangan Pengarah/Ketua Penolong Setiausaha, Sekretariat Pentadbiran Kerajaan Negeri Selangor Darul Ehsan

Y.A.D./Y.Bhg. Dato' Setia/Dato'/Datin Paduka/Tuan/Puan,

SURAT HEBAHAN SUK BIL. 42 TAHUN 2012

PEKELILING KONTRAK PERBENDAHARAAN BIL. 12 TAHUN 2012

Dengan segala hormatnya dilampirkan sesalinan surat pekeliling yang saya terima daripada Kementerian Kewangan Malaysia bertarikh 18 September 2012 mengenai perkara di atas.


2. Y.A.D./Y.Bhg. Dato' Setia/Dato'/Datin Paduka/Tuan/Puan sekalian diminta **mengambil perhatian akan para 1 hingga 15** surat pekeliling berkenaan.

Sekian. Terima kasih.

“BERKHIDMAT UNTUK NEGARA”

(DATO' HAJI MOHAMMED KHUSRIN BIN HAJI MUNAWI)
D.S.I.S., A.S.A., P.P.T.

S/K.KEW/PK/KA/9999/080202/57/13 JLD.3 SJ.6 (3)



KEMENTERIAN KEWANGAN MALAYSIA

PEKELILING KONTRAK PERBENDAHARAAN BIL. 12 TAHUN 2012

Semua Ketua Setiausaha Kementerian
Semua Ketua Jabatan Persekutuan
Semua Setiausaha Kerajaan Negeri
Semua Ketua Badan Berkanun Persekutuan
Semua Pihak Berkuasa Tempatan

EP
SUB (KP)

Handwritten signature

DATO' HAJI MOHAMMED KHUSRIN BIN HAJI MUNAWAR
Setiausaha Kerajaan Negeri
Selangor.

Handwritten initials

KONTRAK PUSAT SISTEM PANEL BAGI PEROLEHAN AYAM KEPADA SEMUA AGENSI KERAJAAN DI SEMENANJUNG MALAYSIA

TUJUAN

1. Pekeliling Kontrak Perbendaharaan (PKP) ini bertujuan memaklumkan mengenai Kontrak Pusat Sistem Panel (**Kontrak Panel**) bagi perolehan ayam kepada semua Agensi Kerajaan di Semenanjung Malaysia.

LATAR BELAKANG

2. Kerajaan telah memutuskan agar item ayam diuruskan melalui **Kontrak Panel**. Agensi Kerajaan hendaklah memperoleh item tersebut di kalangan syarikat panel pembekal yang dilantik sahaja.

3. Kriteria pelantikan syarikat panel pembekal adalah seperti berikut:-

- i. Berdaftar dengan Kementerian Kewangan sebagai penternak ayam/pembuat/pengilang/ pengeluar;
- ii. Syarikat bertaraf Bumiputera sepanjang tempoh kontrak; dan
- iii. Produk yang dikeluarkan hendaklah mematuhi Akta Makanan 1983, mendapat pengiktirafan daripada badan pensijilan yang diiktiraf oleh Kerajaan, mendapat pensijilan Halal daripada Jabatan Kemajuan Islam Malaysia (**JAKIM**) atau Majlis Agama Islam Negeri (**MAIN**) dan mematuhi mana-mana perundangan Malaysia serta garis panduan yang berkaitan.

Handwritten: Psn 12
Handwritten: Hebehen suka
MOHAMED HARY BIN ANUAR
Setiausaha Bahagian Khidmat Pengurusan
b/n Setiausaha Kerajaan Negeri
Selangor Darul Ehsan.

Handwritten: PKP (C)

Handwritten: Sila bantah surat hebehan.

Handwritten signature

MAKLUMAT SYARIKAT KONTRAK PUSAT SISTEM PANEL

4. Maklumat syarikat panel pembekal bagi ayam adalah seperti berikut:

BIL.	NAMA SYARIKAT	ALAMAT
1.	Pertubuhan Peladang Kebangsaan (NAFAS)	Lot 9, Jalan 241, Seksyen 51A 46100 Petaling Jaya SELANGOR DARUL EHSAN Nama Bank: Malayan Banking Berhad Akaun No: 0-14084-30657-7 No. Tel.: 03-7801 3838 No. Faks : 03-7801 3839/3840 03-7876 6622 Alamat e-mel: info@nafas.com.my Aduan sms : NAFAS ADUAN [aduan anda] hantar ke 15888

TEMPOH KONTRAK

5. Tempoh lantikan bagi syarikat panel pembekal ayam adalah sehingga **31 Disember 2013**. Selepas tempoh tersebut, Kerajaan berhak untuk mengekal atau menggugurkan item ayam daripada **Kontrak Panel**.

6. Agensi hendaklah memastikan syarikat panel pembekal ayam mengemukakan laporan seperti di **Lampiran A** ke Kementerian Kewangan untuk setiap suku tahun sebelum 15 hari bulan berikutnya sebagai memenuhi keperluan **Kontrak Panel** ini.

KAEDAH DAN HAD NILAI PEROLEHAN

7. Perolehan bagi item ayam hendaklah diuruskan sendiri oleh Agensi dengan syarikat panel pembekal yang dilantik seperti berikut:

Bil.	Had Nilai Perolehan	Kaedah Perolehan	Pihak Berkuasa Melulus
1.	Sehingga RM50,000 setahun atau dalam satu kontrak	Pembelian terus dengan syarikat panel pembekal	Pegawai Pengawal/Pegawai Yang Diturunkan Kuasa oleh Pegawai Pengawal hendaklah memastikan harga yang munasabah, berpatutan dan menguntungkan Kerajaan
2.	Melebihi RM50,000 sehingga RM500,000 setahun atau dalam satu kontrak	Rundingan terus dengan syarikat panel pembekal	Harga hendaklah dirundingkan oleh Jawatankuasa Rundingan Harga dan diputuskan oleh Jawatankuasa Sebut Harga
3.	Melebihi RM500,000 setahun atau dalam satu kontrak	Rundingan terus dengan syarikat panel pembekal	Harga hendaklah dirundingkan oleh Jawatankuasa Rundingan Harga dan diputuskan oleh Lembaga Perolehan Agensi

8. Kontrak formal hendaklah ditandatangani bagi kontrak yang bernilai melebihi RM50,000 selaras dengan Arahan Perbendaharaan 176.1. Walau bagaimanapun, bagi **kontrak bermasa**, kontrak formal hendaklah diadakan walaupun nilai perolehan kurang daripada RM50,000.

9. Kajian pasaran yang berpatutan hendaklah dibuat supaya perolehan yang hendak dilaksanakan adalah yang paling sesuai dan menguntungkan dengan mengambil kira aspek kualiti dan harga.

SPEKIFIKASI DAN TEMPOH KONTRAK

10. Spesifikasi, cara pembungkusan dan tempoh penyerahan bagi item ayam adalah seperti di **Lampiran B**. Walau bagaimanapun, tempoh kontrak yang ditetapkan hendaklah tidak melebihi **31 Disember 2013**.

TANGGUNGJAWAB PEGAWAI PENGAWAL

11. Pegawai Pengawal atau Ketua Jabatan adalah bertanggungjawab memastikan Agensi di bawah kawalannya mematuhi peraturan perolehan yang ditetapkan dalam menguruskan perolehan ayam. Agensi tidak dibenarkan memperolehi daripada punca lain tanpa kebenaran terlebih dahulu daripada Bahagian Perolehan Kerajaan, Kementerian Kewangan atau Pegawai Kewangan Negeri mengikut yang mana berkenaan.

HAL-HAL LAIN

12. Kementerian Kewangan berhak menggugurkan syarikat daripada **Kontrak Panel** sekiranya gagal mematuhi perkara-perkara yang ditetapkan di perenggan 3 dan perenggan 6.

13. Agensi hendaklah mengemukakan aduan secara rasmi mengenai prestasi syarikat **Kontrak Panel** yang kurang memuaskan selaras dengan Lampiran 3 kepada Surat Pekeliling Perbendaharaan Bil. 6 Tahun 2010 ke Bahagian Perolehan Kerajaan, Kementerian Kewangan seperti alamat berikut:

Ketua Setiausaha Perbendaharaan
Kementerian Kewangan
Bahagian Perolehan Kerajaan
(Seksyen Bekalan dan Perkhidmatan)
Aras 3, Blok Utara
Kompleks Kementerian Kewangan, Presint 2
Pusat Pentadbiran Kerajaan Persekutuan
62592 PUTRAJAYA

14. Sebarang pertanyaan mengenai **PKP** ini boleh dirujuk ke Bahagian Perolehan Kerajaan, Kementerian Kewangan di talian telefon 03-8882 4094/03-8882 4086/03-8882 4669/03-8882 4417.

KUAT KUASA

15. **PKP** ini berkuat kuasa mulai dari tarikh ia ditandatangani sehingga **31 Disember 2013**. Dengan berkuat kuasanya **PKP** ini, **PKP** dan Surat Arahan Perbendaharaan (**SAP**) berikut adalah dibatalkan:

- i. **PKP** Bil. 39 Tahun 1987 (bertarikh 10 Oktober 1987) dan mana-mana pindaan dan tambahan kepada **PKP** berkenaan;
- ii. Tambahan Keenam Belas Kepada **PKP** Bil. 4 Tahun 2000 (bertarikh 25 Ogos 2000);
- iii. Pindaan Pertama Kepada **PKP** Bil. 4 Tahun 2000 (bertarikh 11 Disember 2000);
- iv. Pindaan Kedua Kepada **PKP** Bil. 4 Tahun 2000 (bertarikh 18 September 2002); dan
- v. **SAP** bertarikh 2 Disember 2002.

Sekian, terima kasih.

"BERKHIDMAT UNTUK NEGARA"

Saya yang menurut perintah,


(DATO' FAUZIAH YAACOB)
Bahagian Perolehan Kerajaan
b.p. Ketua Setiausaha Perbendaharaan
Kementerian Kewangan Malaysia

Bertarikh: 18 September 2012

s.k.

Ketua Setiausaha Negara
Ketua Audit Negara Malaysia
Akauntan Negara Malaysia
Semua Pegawai Kewangan Negeri
Pertubuhan Peladang Kebangsaan (NAFAS)

PENYATA PESANAN

NAMA ITEM : _____

BEKALAN BAGI SUKU _____ **TAHUN** _____

BIL	NAMA AGENSI	KAEDAH PEROLEHAN (PEMBELIAN TERUS/ SEBUTHARGA/TENDER)	NO PESANAN / TARIKH PESANAN	KUANTITI PESANAN	NILAI (RM)	TARIKH BEKALAN	KUANTITI YANG DIBEKALKAN	KUANTITI YANG BELUM DIBEKALKAN
	JUMLAH							

Adalah disahkan bahawa penyata yang dinyatakan di atas adalah benar.

Tandatangan Kontraktor : _____

Nama dan Jawatan : _____

Tarikh dan Cop Syarikat : _____

SPEKIFIKASI, HARGA DAN SYARAT-SYARAT BEKALAN AYAM

1. PENDAHULUAN

- 1.1 Kementerian Kewangan bersetuju melantik Pertubuhan Peladang Kebangsaan (**NAFAS**) sebagai pemayong kepada penternak-penternak Bumiputera. **NAFAS** adalah dipertanggungjawabkan bagi menyenggarakan kontrak ini agar berjalan dengan sempurna dan mencapai objektifnya.

2. JENIS & SPEKIFIKASI AYAM

- 2.1 Pembekalan ayam adalah terbahagi kepada tiga (3) jenis iaitu **ayam hidup**, **ayam bersih *super*** dan **ayam potong sembilan (9)**.
- 2.2 Spesifikasi bagi ayam hidup, ayam bersih *super* dan ayam potong sembilan (9) adalah seperti di Lampiran **B1**, **B2** dan **B3**.

3. KAWASAN BEKALAN & HARGA

- 3.1 Agensi hendaklah merundingkan harga dengan **NAFAS** mengikut kawasan berdasarkan kepada harga pasaran.

4. PESANAN MINIMA

- 4.1 Had minima bagi setiap pesanan adalah seperti berikut:-

Ayam hidup : 20 ekor

Ayam bersih *super*: 30 kilogram

Ayam potong sembilan : 20 kilogram

5. TEMPOH PENYERAHAN

- 5.1 Tempoh penyerahan adalah seperti berikut:

Ayam hidup : dalam tempoh 24 jam

Ayam bersih *super* dan ayam potong sembilan : dalam tempoh 48 jam

6. KUALITI BEKALAN

- 6.1 Agensi hendaklah memastikan kualiti bekalan ayam daging hidup dan ayam daging bersih yang dibekalkan oleh kontraktor mematuhi spesifikasi yang ditetapkan oleh Kementerian Kesihatan, Jabatan Perkhidmatan Veterinar (**JPV**) dan Jabatan Kemajuan Islam (**JAKIM**) / Majlis Agama Islam Negeri (**MAIN**).

7. PUNCA-PUNCA BEKALAN AYAM

- 7.1 **NAFAS** adalah disyaratkan untuk mendapatkan bekalan ayam daging hidup dan ayam daging bersih daripada penternak-penternak Bumiputera yang menjadi ahli Pertubuhan Peladang. Namun demikian, jika dijangkakan akan berlaku kekurangan atau ketidakcukupan bekalan ayam daripada penternak-penternak Bumiputera di satu-satu tempat atau kawasan, kebenaran bertulis daripada Bahagian Perolehan Kerajaan, Kementerian Kewangan hendaklah diperolehi sebelum pembelian dibuat dari punca-punca lain.

8. PUSAT-PUSAT PEMROSESAN AYAM

- 8.1 Bekalan ayam bersih hendaklah diproses di pusat-pusat pemprosesan yang diselenggarakan oleh **NAFAS**.

9. TINDAKAN PENCEGAHAN

- 9.1 Agensi hendaklah memastikan pembelian anak ayam, makanan ayam dan ubat-ubatan ayam dibuat oleh **NAFAS** berdasarkan nasihat **JPV** bertujuan untuk mengelakkan penyakit ayam yang tidak terkawal.

10. DENDA

- 10.1 Denda hendaklah dikenakan bagi setiap penghantaran pesanan yang lewat dibekal, gagal dibekal dan rendah mutu. Penetapan kadar denda hendaklah ditetapkan oleh Agensi masing-masing.
- 10.2 Bagi pembekalan ayam yang rendah mutu, **NAFAS** hendaklah menggantikan bekalan ayam tersebut mengikut spesifikasi dan masa yang telah ditetapkan. Sekiranya **NAFAS** gagal membuat penggantian, Agensi boleh mendapatkan bekalan ayam daripada sumber luar yang mana semua kos termasuk kos pentadbiran ditanggung sepenuhnya oleh **NAFAS**.
- 10.3 Agensi hendaklah mengambil tindakan menamatkan kontrak berkenaan sekiranya didapati ayam yang dibekalkan diberi makan dengan makanan ayam bercampur pasir dengan niat untuk menaikkan berat timbangan. Agensi hendaklah mengemukakan laporan kepada Kementerian Kewangan untuk diambil tindakan.

11. PENUTUP

- 11.1 Agensi hendaklah memastikan spesifikasi, harga dan syarat-syarat seperti di atas dinyatakan dengan jelas di dalam kontrak pembekalan ayam. Agensi boleh menambah syarat-syarat lain berdasarkan keperluan.

LAMPIRAN B1

SPESIFIKASI AYAM HIDUP

1. Ayam-ayam yang dibekalkan hendaklah ayam daging yang berumur tidak lebih daripada 3 bulan. Berat tiap-tiap seekor ayam hendaklah tidak kurang daripada 1.5 kg dan tidak lebih daripada 2.2 kg berat semasa hidup.
2. Ayam-ayam yang dibekalkan hendaklah ayam-ayam sihat dan bebas daripada penyakit.
3. Kaki ayam hendaklah licin. Mata ayam tersebut hendaklah bersih dan bercahaya. Hidung hendaklah bebas daripada hingus dan nanah. Kepak-kepak ayam hendaklah tidak terkulai. Ayam-ayam yang dibekalkan hendaklah berbulu kering semasa timbangan di ladang.
4. Ayam-ayam yang dibekalkan hendaklah gemuk dan dada hendaklah berisi.
5. Dalam masa 6 jam sebelum masa penghantaran ayam-ayam tersebut hendaklah jangan diberi makan. Jika didapati ayam-ayam itu telah diberi makan, Agensi yang berkenaan berhak menolak bekalan tersebut.
6. Ayam-ayam hendaklah dibekalkan di dalam sangkar/bakul-bakul yang besar supaya ayam-ayam itu bebas bergerak.
7. Ayam-ayam yang dibekalkan tidak boleh/jangan disuntik dengan hormon.

SPESIFIKASI AYAM BERSIH *SUPER*

1. Semua ayam bersih *super* dibekalkan hendaklah daripada jenis-jenis seperti berikut:-
 - (a) Segar (*Fresh*) : iaitu ayam yang telah sedia dibersihkan dan boleh terus dimasak. Ayam tersebut mempunyai suhu badan tidak melebihi 5°C sebelum ianya dibeku atau disejukkan. (Ayam-ayam ini tidak disejukkan atau dibekukan sebelum daripada itu).
 - (b) Ayam Sejuk (*Chilled*) : iaitu ayam yang telah sedia dibersihkan dan boleh terus dimasak. Ayam tersebut mempunyai suhu badan antara 0°C - 4.4 °C tetapi ayam-ayam tersebut tidak dibekukan (*frozen*) atau ayam beku yang dicairkan semula (*thawed*).
 - (c) Ayam Beku (*Frozen*) : iaitu ayam telah sedia dibersihkan dan boleh terus dimasak. Ayam tersebut mempunyai suhu badan antara -10°C hingga -25°C tetapi ayam tersebut tidak merupakan ayam yang dibekukan semula (*refreezing*).
2. Ayam-ayam yang telah diproses akan dibungkus di dalam beg plastik. Berat setiap bungkusan adalah kira-kira 10 kilogram. Bungkusan-bungkusan ini akan dimasukkan ke dalam bakul plastik.
3. Ayam-ayam hendaklah dibekalkan tanpa kepala, kaki dan usus. Leher hendaklah tidak lebih dari 7.5cm. Ayam-ayam tersebut hendaklah gemuk dan berat bersih hendaklah tidak kurang daripada 1.3 kg dan tidak lebih daripada 2.0 kg. Kualiti ayam-ayam yang dibekalkan hendaklah menepati penentuan seperti di **Lampiran B1**.
4. Pembekal hendaklah mengesahkan bahawa ayam-ayam tersebut telah disembelih dan diproses dengan cara yang bersih dan mengikut peraturan Halal yang ditetapkan oleh **JAKIM** atau **MAIN**. Pembekal hendaklah mengemukakan Sijil Halal yang dikeluarkan oleh **JAKIM** atau **MAIN**.

SPESIFIKASI AYAM POTONG SEMBILAN (9)

1. Berat seekor ayam yang hendak dipotong sembilan mestilah tidak kurang dari 1.3 kg dan tidak lebih dari 2.0 kg.
2. Ayam potong sembilan (9) terdiri daripada seekor ayam daging tanpa kepala, leher, kaki, hempedal, hati, tongking dan lemak yang dipotong kepada sembilan (9) bahagian seperti berikut:
 - (a) 2 ketul kepak;
 - (b) 2 ketul peha;
 - (c) 2 ketul *drumstick*; dan
 - (d) 3 ketul bahagian dada.
3. Setiap pesanan hendaklah diisi di dalam satu bungkusan yang tidak melebihi 10 kg untuk setiap bungkusan plastik. Setiap bungkusan pula hendaklah mengandungi 90% daripada 9 bahagian bagi seekor ayam dan 10% lagi bolehlah terdiri daripada mana-mana bahagian ayam yang telah dipotong sembilan seperti di para 2 di atas iaitu untuk tujuan menggenapkan timbangan dalam pesanan.
4. Setiap bungkusan bekalan ayam potong sembilan tidak boleh mengandungi lebih dari 3% kandungan air dibenar. Kualiti ayam yang dibekalkan hendaklah menepati penentuan seperti **Lampiran B1**.

